

КОМСОМОЛОНЬ ВАЙГЯЛЪ

ЛИСЕНЬДИ V-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресъ: г. Саранск, ул. Ленина 11,
телефон № 1—72.

Н О Я Б Р Ь Т Ь
18-ЦЕ ШИСТОНЗА
1937 КИЗОНЯ
126 (500)

Лисеньди конти 12-кеть.

Минь родинанькень доблестнай патриотонза — СССР-нь Верховнай Совету депутатоньди кандидатт

Выдвинутай кандидаттень регистрасна сембе вастова аделавсь.

Союзонь Совету кочкаматнень колга Ворошиловский избирательнай округть (Донецкий область) окружной избирательной комиссияц Союзонь Совету депутатоньди кандидатокс регистрировандазе стахановский движениять инициаторонц, орденоносецть, тияи Л. М. Кагановичть лемса промакадемиять студентонц Алексей Григорьевич Стаханов ялгать. Стаханов ялгать кандидатуранц выставили Ворошиловть лемса 10-це № шахтатъ, Косноронь лемса заводть, Сталинонь лемса шахтатъ, „Донбасс антрацит“ шахтатъ рабочаензон, служащаензон, инженерно-технический работниконзон марстонь пуромкссна, Петровский вельсоветонь 2-це № колхозть, Тельманонь лемса колхозть и лия колхознень колхозниконь марстонь пуромкссна, конатнень эса ульсь 100 тьожань ломатть.

Мекольденъ шиня Союзонь Совету депутатоньди регистрировандаф кандидаттень йоткса:

Сталинонь лемса Кузнецкий металлургический заводть директор К. И. Битенко ялгась (Новосибирский областень Сталинский избирательнай округсь); Челябинский тракторный заводть рабочаец-стахановец К. И. Аишаев ялгась (Челябинский сельский избирательнай округсь); Ильичень лемса Мариупольский металлургический заводть эса стахановский движениять инициаторонц, 6-це № листопрокатнай цехть мастеронц Л. Т. Мирошниченко ялгась (Донецкий областень Мариупольский избирательнай округсь); СССР-нь Совнаркомть председателенц заместителец и СССР-нь госпланть председателец В. И. Межлаук ялгась (Башкирский АССР-нь Уфимский городской избирательнай округсь); писательсь А. Е. Корнейчук ялгась (Киевский областень Звенигородский избирательнай округсь); Ашхабадский тепловознай товарнай депотъ стахановец-орденоносец машинистъ Мурат Чулетов ялгась (Туркменский ССР-нь Марыйский избирательнай округсь). Национальностень Совету депутатоньди кандидатокс регистрировандафт:

Советский Союзонь геройсь летчиксь-испытательсь Г. Ф. Байдуков ялгась (Дагестанский АССР-нь Ботлихский избирательнай округсь); Одесский портса стахановский движениять инициаторонц грузчиксь А. А. Хенкин ялгась (Одесский городской избирательнай округсь); Кировть лемса совхозть (Казахстан) дояркац орденоноскась Салиха Онгарбаева ялгась (Алма-Атинский сельский избирательнай округсь); Куйбышевский карбюраторнай заводть инженеронц Ф. А. Коваленко ялгась (РСФСР-нь Куйбышевский избирательнай округсь); известнай орденоносецсь-стахановецсь В. С. Мусинскийсь (РСФСР-нь Северный избирательнай округсь).



СССР-ть государственнай гербоц

Фото—серияста, кона лемтьф Сталинский Конституцияц. Поддазе „фотохудожниксь“.

Союзфото

СОЮЗОНЬ СОВЕТУ КОЧКАМАТНЕНЬ КОЛГА АРДАТОВСКИЙ ИЗБИРАТЕЛЬНАЙ ОКРУГСЬ

Союзонь Совету депутатоньди кандидатокс Окружной избирательнай комиссиясь регистрировандазе КСЕНИЯ ДАНИЛОВНА ВОЛГАЕВАТЬ

Ноябрь 12-це шистонза ульсь Союзонь Совету кочкаматнень колга Ардаковский окружной избирательнай комиссиять заседаниац.

Избирательнай комиссиясь лифтсь решения: „СССР-нь Верховнай Совету кочкаматнень колга Положениять“ 60—61-це статьязон коряс и рабочаень, колхознай пу-

ромксонь, общественной организациянь и трудящаень обществань пуромкснень представленнай протоколсон коряс и Ардаковский избирательнай округова баллотировандамат колга К. Д. Волгаевать согласиянц коряс, регистрировандамс Союзонь Совету депутатоньди кандидатокс Волгаева Ксения Даниловна ялгать Ардаковский избирательнай округова.

Советонь Союзу кочкаматнень колга Ардаковский окружной избирательнай комиссияв

Союзонь Совету депутатоньди кандидаттень обсуждениясон пингста Ардаковский округонь лама организацияв и трудящаень обществава Союзонь Совету депутатоньди выставленной монь кандидатуразе.

Мон седиавска азондан благодарность трудящайхнеьди, конат выдвинули монь кандидатуразень, теень оказаннай довериять инкса,

и макссеса согласиязень баллотироваться Ардаковский избирательнай округова.

Старандан нингя сядя цебарьста работамс, касфтомс трудонь производительность и пощадафтома тюремс народонь вракнень каршес.

Комсомольский привет мархта.

К. Волгаева.

Национальностень Совету кочкаматнень Торбеевань избирательнай округсь регистрировандазе
Национальностень Совету депутатоньди кандидатокс
**МАРИЯ ИВАНОВНА
ЧАДАЙКИНАТЬ**
Национальностень Совету кочкаматнень окружной избирательнай комиссиять путфксста

Зубово-Полянень Уметский лесозаводонь, „Дубитель“ заводонь, Ширингушский фабрикань, Торбеевский и З.-Полянский МТС-нь, Торбеевань райононь „Красноармеец“ свиносовхозонь рабочайхнень, служащайхнень, инженерно-технический работникнень и домохозяйкатнень марстонь пуромкссон, а станяжа Торбеевань райононь, Сталинь лемса, „Серп и Молот“ колхозонь, Зубово-Полянень райононь „Красная борец“, Калининть лемса колхозонь, Ширингушень райононь, Молотовть лемса и „Красная Мордовия“ колхозонь колхозникнень марса еди-ноличникнень мархта пуромкссон протоколсон ванондомок и обсудиндамок, а станяжа Мария Ивановна Чадайкина ялгать, коначшачф 1916 кизоня, ВЛКСМ-нь членть, Зубово-Полянень Каргашинский вельсоветонь председателть, СССР-нь Верховнай Советонь Национальностень Совету кочкаматнень Торбеевань избирательнай округть эзга баллотироваться согласиять колга личнай заявлиянц коряс, СССР-нь Верховнай Советонь Национальностень Совету кочкаматнень Торбеевань окружной избирательнай комиссиясь путнесы:

„СССР-нь Верховнай Совету выборхнень колга Положениять“ 60—61-статьязон коряс регистрировандамс Мария Ивановна Чадайкина ялгать Торбеевань избирательнай округть эзга баллотированьди кандидатокс.

Краснослободский окружной
избирательнай комиссиясь
регистрировандазе
Национальностень Совету
депутатоньди кандидатокс
**МИХАИЛ ИЛЬИЧ
КУЛАКОВТЬ**

Ноябрь ковть 11-це шиня ульсь Национальностень Совету кочкаматнень колга Краснослободский избирательнай округть окружной избирательнай комиссиянц заседаниац.

Избирательнай комиссиясь путозе: „СССР-нь Верховнай Совету кочкаматнень колга Положениять“ 60—61-це статьязон коряс, рабочаень, колхозниконь, служащаень, общественной организациянь и трудящаень обществань предвыборнай пуромкснень представленнай протоколсон коряс, кона пуромкснень эса ульсь 6063 ломань, и Краснослободский избирательнай округова баллотировандаманц колга Михаил Ильич Кулаковть согласиянц коряс, регистрировандамс М. И. Кулаковть кандидатокс Национальностень Совету депутатоньди Краснослободский избирательнай округова.

Союзонь Совету и Национальностень Совету депутатоньди кандидаттнень регистрацисна

Национальностень Совету кочкаматнень колга Ардатовский избирательнай округсь

Ардатовский окружной избирательнай комиссиясь регистрировандазе Национальностень Совету депутатоньди кандидатокс

МИХАИЛ АНДРЕЕВИЧ ЧЕМБУЛАТОВТЬ

Национальностень Совету кочкаматнень колга Окружной избирательнай комиссиясь путфксонь

„СССР-нь Верховнай Совету кочкаматнень колга Положениять“ 60—61-це статьязон коряс Национальностень Совету депутатоньди кандидатокс Ардатовский избирательнай округова регистрировандамс Михаил Андреевич Чембулатовть, 1897-це кизоня шачфть, 1931-це кизоста савомок ВКП(б)-нь членть, МАССР-нь ЦИК-ть председателец, Саранск ошса эряйт, конац макссь согласия баллотироваться Национальностень Совету кочкаматнень колга Ардатовский избирательнай округса.

„СССР-нь Верховнай Совету кочкаматнень колга Положениять“

66-це статьянь коряс, Чембулатов ялгать кандидатурань сьормадомс Национальностень Совету кочкаматнень колга Ардатовский избирательнай округса баллотировандамат инкса избирательнай бюллетеньти.

Тя путфксть публиковандамс печатсь.

Национальностень Совету кочкаматнень колга Ардатовский окружной избирательнай комиссиясь председателец СТЕНЫКИН, председателец заместителец ГОРБУНОВ, секретарь КУЛИКОВ, членте: АРЮТИН, САМАРКИН, ШИГАЕВ, СИДОРОВА, КУРМЫШКИН, АРЕПИНА, СЕНГАЕВ.



Марнек странага вишкелневи СССР-нь Верховнай Совету выборхеньди анокламась.

Снимкаса: Воронеж ошень Отрожка поселкаты активонь мархта избирательнай участковой комиссиясь совещанияц. (Кяржи ширьде види шири) участкань парторгс Н. Е. Фурсов, поселковой Советонь работницася С. С. Дубковася, домохозяйкась—поселковой Советонь членть Н. А. Курасевася, Тельманть лемса заводть приемщиконь М. А. Быковский, домохозяйкась—поселковой Советонь членть Е. А. Шербаковася, Отрожка станциясь паровознай хозяйствань топливной отделонь частенц начальникоц П. А. Злобин и домохозяйкась—поселковой Советонь членть—А. В. Захарьина.

Союзфото.

Союзонь Совету кочкамань Рузаевкань избирательнай округсь

Окружной избирательнай комиссиясь регистрировандазе Союзонь Совету депутатоньди кандидатокс

ИВАН ПАВЛОВИЧ ЛАРИОНОВ-ЕСКИНТЬ

Союзонь Совету кочкамань Рузаевкань избирательнай округонь Окружной избирательнай комиссиясь путфксонь

Ванондомок Окружной избирательнай комиссиясь представленнай Рузаевкань, Ковылкинань, Торбеевань, Кадешкинань, Рыбкинань и Инсарань райононь трудящайхнень эзда Союзонь Совету депутатоньди кандидатонь выдвижениять колга предвыборнай пуромксонь и совещаниянь, конатнень эса ульсь 12.000 избирательхт, протоколхнень, а стания машинакин Рузаевкань узелонь рабочаень, инженерно-технический работниконь и служащань пуромксонь протоколхнень и „СССР-нь Верховнай Совету выборхень колга Положениять“ 56, 57, 58, 59, 60 и 61 статьязон коряс представленнай документтнень полнай соответствиясост, комиссиясь путнесы: „СССР-нь Верховнай Совету выборхень колга Положениять“ 60-це статьянь коряс регистриро-

вандамс СССР-нь Верховнай Советонь Союзонь Совету депутатоньди баллотированияньди Рузаевкань избирательнай 344 № округуть эзга Иван Павлович Ларионов-Ескин ялгать, конац шачсь 1901 кизоня, ВКП(б)-нь членоньди кандидат, Рузаевка депонь машинист-инструктор.

„СССР-нь Верховнай Совету выборхень колга Положениять“ 60-61 статьязон коряс сьормадомс И. П. Ларионов-Ескин ялгать кандидатурань Рузаевкань избирательнай 344 № округуть эзга избирательнай бюллетеньти.

Окружной избирательнай комиссиясь председателец Ухтомский, Окружной избирательнай комиссиясь председателец заместителец Панаморчук, секретарь Манцев, комиссиясь членте: Медведев, Кошечкин, Исаев, Карачков, Кавдейкин, Серолапкин, Винокуров, Трякина.

Национальностень Совету кочкаматнень колга Атяшевский избирательнай округсь

Атяшевский окружной избирательнай комиссиясь регистрировандазе Национальностень Совету депутатоньди кандидатокс

Мария Егоровна Печказовать

СССР-нь Верховнай Советть Национальностень Советозонза кочкаматнень колга Окружной избирательнай комиссиясь путфксонь эзда

Ванондомок Окружной избирательнай комиссиясь поступившай документтнень СССР-нь Верховнай Советть Национальностень Советозонза депутатоньди кандидатурасонь выдвижениясн колга, Окружной избирательнай комиссиясь, установиндамок представленнай документтнень подлиннай соответствиясн „СССР-нь Верховнай Совету кочкаматнень колга Положениять“ 60 и 61 статьязон мархта, путе: регистрировандамс Атяшевский избирательнай округуть

эзга СССР-нь Верховнай Советть Национальностень Советозонза баллотировандамат инкса Мария Егоровна Печказовать, 1912-це кизоня шачфть, афпартийнайть, „Краснай Октябрь“ колхозть колхозницань, Хлыстовка велеса, Хлыстовский вельсоветса, Чамзинский районца, Мордовский АССР-са эряйт.

Окружной избирательнай комиссиясь председателец РОДИОНОВ, председателец заместителец СЯПИН, секретарь СЫРЕСЬКИН. Членте: ТАТАРКИН, МОСИН, НАДЕЖДИНА, ОСИПОВ, КИУШКИН, ВЕЧКАНОВ,

НАЦИОНАЛЬНОСТЕНЬ СОВЕТУ КОЧКАМАНЬ РУЗАЕВСКИЙ ИЗБИРАТЕЛЬНАЙ ОКРУГСЬ

Окружной избирательнай комиссиясь регистрировандазе Национальностень Совету депутатоньди кандидатокс

СЕРГЕЙ ВЛАДИМИРОВИЧ ИЛЮШИНТЬ

Ноябрьть 12-це шистонза ульсь Национальностень Совету кочкамань Рузаевкань избирательнай округуть избирательнай комиссиянь заседанияц.

Избирательнай комиссиясь путе: „СССР-нь Союзонь Верховнай Совету выборхень колга Положениять“ 60—61 статьязон, колхозниконь, рабочаень, общественной

организациянь и трудящань обществань марстонь пуромксонь представленнай протоколхнень и Сергей Владимирович Илюшин ялгать Рузаевкань избирательнай округуть эзга баллотированияньди максф согласиянь коряс,—регистрировандамс Илюшин ялгать Национальностень Совету депутатоньди кандидатокс Рузаевкань избирательнай округуть эзга.

Национальностень Совету кочкамань Ковылкинань избирательнай округсь

Окружной избирательнай комиссиясь регистрировандазе Национальностень Совету депутатоньди кандидатокс

СЕРГЕЕВ Архип Никифоровичть

Ковылкинань избирательнай округуть Национальностень Совету кочкамань Окружной избирательнай комиссиянь путфксонь эзда

„Верховнай Совету выборхень колга Положениять“ 56, 57, 59, 60, 61, 62, 63, 64, и 66 статьязон коряс регистрировандамс Национальностень Совету депутатоньди кандидатокс Ковылкинань избирательнай округуть эзга Сергеев Архип Никифоровичть, конац шачсь 1907 кизоня, беспартийнай, эряй Мордовский АССР-нь, Инсарань райононь, Голытапинский вельсоветонь

„Краснай партизан“ колхозса, работай „Краснай партизан“ колхозса председателекс.

Национальностень Совету кочкамань Окружной избирательнай комиссиясь председателец Васильев, Окружной избирательнай комиссиясь председателец заместителец Мухин, секретарь Боронин. Комиссиянь членте: Карев, Шабров, Краснов, Красиков, Рачков, Абрашкин.

Работамс од избирательхнень мархта

Од избирательхт. Теест топодсь 18-нь киза и Сталинский Конституциять коряс васенцекс примайхть участия Верховнай Совету выборхень эса.

Од избирательхнень мархта работась—ащи составной частекс марнек избирательнай кампаниять эса. Но сидеста ня од избирательхнень юкснесазь.

Тяфта, например, ащи тевсь Лемдйя велеса. Тяс избирательхнень йоткса, конат васенцекс примайхть участия выборхень эса, аф мольфтеви кодамоков работа. И нинге сяда калдяв, што тя работась аш и комсомолечнень йот-

ксовок. Комсомолечне и илады од избирательхне афсодасазь Сталинский Конституциять и од избирательнай законть.

Од избирательхнень йоткса работать мархта кржа интересовандакшни и ВЛКСМ-нь райкомсь.

Аф прьметахнемс од избирательхнень—тя вреднейшай эльбядькс. И сяс фкя минутонь пингс аф лафчепнемс синь йотксост работать, нинге сяда пак тани, мзярда избирательнай кампаниясь суvasь эсь решающей шинзонды.

Демкин.

С. Шайговань р-н.

Колхозникне оцю радостью приветствовандакш- несазь Верховнай Совету васеньце депутатокс Сталин ялгать кандидатуранц

Аф кунара „Валда Ян“ колхозса ульсь йотафтф колхознай марстонь пуромкс. Пуромксса эсь выступлениясонза Ф. Киржайкин ялгась корхтась:

— Минь эрятама павазу и счастливый эряфса. Тя радостнай эряфть тейнек максозе партиясь, правительствась и кельгома вожденьке Сталин ялгась. Великий Сталинц вятсамазь коммунизмать окончательнай торжестванцы.

Колхозникне оцю радостью приветствовандазь Верховнай Совету васеньце депутатокс Сталин ялгать кандидатуранц. Тяда башка, колхозникне приветствовандазь Верховнай Совету депутатокс: Молотов, Калинин, Ежов, Каганович, Ворошилов ялгатнень кандидатураснон.

Пуромксть аделамдонза меле марявсь—возглас „ура“, шумбра улеза великий Сталин ялгась!

К.

Ковылкинань район.

Кочкасайнек Верховнай Совету родинанькень доблестнай патриотонзон

Капиталистический государственный эса солдатне лишенайхть сембе политический праватнень эзда. Синь аш кодамовок правасна государственной аппарату кочкамс эсь представительснон али участвовандамс выборхнень эса. Капиталистический армияса солдатсь призваннай службама капиталистненьди и помещикненьди.

Коряньнек отличается Советский Союза Якстерь Армиять устройства. Трудовой народонь гражданинц призваннай Рабоче-Крестьянский Якстерь армияв охранять и защищать эсь Социалистический отечестванц. Якстерьармеецти максфт сембе политический праватне. Сонь улихть праванза трудти, ваймамат и образованияти. Якстерьармеецнень улихть правасна кочкамс эсь представительснон СССР-нь Верховнай Совету и максфт прават участвовандамс Верховнай Совету выборхнень эса.

Декабрь 12-це шистонза Якстерьармеецне Социалистический странань сембе трудяйхнень мархта кочкасаз эсь лучшей представительснон СССР-нь Верховнай Совету.

Якстерьармейский частьтнень эса тя исторический праздник васьфтеманцы йотафневи оцю анокламань работа. Эрь якстерьармеецть инголе ащи инь оцю и ответственной задача—содамс отличнайста Сталинский Конституциять и Верховнай Совету выборхнень колга Положениять и азондомс од пополненияти.

Кинь кандидатуранц инкса карматама голосовандама?

—Минь макссайнек эсь вайгяленькень нят ялгатненьди, конат работоспособнайхть, честнайхть и авторитетнайхть, конат беспредельно преданнайхть Ленинско-Сталинский партияти.

Якстерьармеецсь А. З. Егоров. ДВК.

Фкя мяльса приветствуем Верховнай Совету депутатокс Сталин ялгать кандидатуранц

Ноябрь 11-це шистонза раб-факса ульсь оцю оживления. Сембе студентне, педагокне и обслуживающей персоналсь пуромсть Саранский окружной предвыборной совещаниять обращениянц обсуждандамонза. Пуромксса васеньце валть свяозе отличник студентц Кривов ялгась. Сон оцю радостью азондозень Советский Союзть замечательнай победанзон, Советский Союзть народонц павазу и радостнай эряфонц и тянь инкса азсь оцю спасибо кельгома вожденькенди Сталин ялгати.

—Царский Россиять пингста монь родительнень пощадафтома эксплуатировандакшнез кулакне,—корхтай Кривов ялгась.—Аньцек Великий Октябрьский Социалистический революциясь освободила минь кулакский каблатнень эзда.

Марстонь пуромксса студентне, педагокне и обслуживающей персоналсь единомышленнаста поддерживают и приветствуют Саранский Окружной предвыборной совещаниять обращениянц. Пуромксь оцю мяльса поддерживает Верховнай Совету васеньце депутатокс мировой пролетариатонь вождь кельгома Сталин ялгать кандидатуранц и сонь инь близкай соратниконзон Молотов, Ворошилов, Ежов, Калинин, Каганович, Жданов, Крупская, Андреев А. А. ялгатнень кандидатураснон.

Тяда башка пуромксь приветствует Верховнай Совету депутатокс Кузнецов И. А., Вейзагер С. М. ялгатнень кандидатураснон. Дунаев.

Саранск ош.

Веселя эрямась минь странасонок

Сейтяновка велеса цебарьста йотафтф Октябрьский революциять XX-це годовщинац. Колхозникне, колхозницатне пара мяль мархта пуромкшнень демонстрациясь, ульсь йотафтф утреник. Илять пионерхне йотафтть радостнай вечер. Пионерхне азсь оцю спасибо алян заботанкса минь кельгома вожденькенди и учителенькенди Сталин ялгати.

Неяскин.

Рыбкинань р-н.

Кодема веселя и радостнай эрямась минь странасонок,—корхтай Осипов Николайсь.

—Революцияда инголе мон ванондонь стадат. Лама пизем пиземань, лама няень вача шиди.

Мон тyani работан колхозса, тиень 250 трудошит, получен 100 пуд сьора.

Мон азондан оцю спасибо кельгома вожденькенди, учителенькенди и другонькенди Сталин ялгати, конац максозе тейнек тя радостнай счастливый эряфть.

В. Муштаев.

Рыбкинань р-н.

Сарайкинась—стахановка

Сире-Теризморгань Буденнай ялгать лемса колхозса 2-це бригадаса инь цебарь работницакс лувондови Сарайкинась.

Октябрь ковть самс Сарайкинаць ульсь 235 трудошиц.

Добросовестнай и честнай трудонц инкса Октябрьский революциять XX-це годовщинанц шиста Сарайкина ялгать колхознай правлениясь премировандазе. Н. Я. Шайговань район.



СНИМКАСА: Хозэ Диась и Долорес Ибаруриь,

(Союзфото)

Касы культурась, касы зажиточнай социалистический эряфсь

Царский Россиять пингста Хлыстовка велеса ульсь пятай сплош-ной неграмотность. Видекс, ульсь трехкласснай церковно-приходский школа, но тя школаса тонафнень аньцек кулакнень, ростовщикнень и мироедонь идтьне.

Беднейшая крестьянствась ульсь аф кирьдемшка порабощеннай кулакский кабаласа.

„Царский Россиять пингста 20 киза работань Саротский степса помещиконди табунщикокс. Работань шинек-венек, а зарплатазе ульсь несчастнай грошт. 20 киза подрят монь вьрозень эса шошкить кулакне, мироеднень и ростовщикне. Но сась ся пинксь, мзярда тя аф кирьдемшка кабалась валксь лангстон, и тyani эрян счастливый и радостнай эряфса. Сась пингя, мзярда од ломатненьди максфт сембети кели ки, а сиретьненьди везде почет. Ня валхне сембе Советский странать эзга оцю радостью звучат морса и стихса. Тyani мон эрян культурнайста и зажиточнайста“. Тяфта корхтай 50 кизоса стахановець конюхсь Хорьков ялгась.

Хорьков ялгась работай конюхокс 7 кизот. Сон колхозса лувон-

дови инь цебарь стахановецокс. Цебарь работанц инкса колхозонь правлениясь аф вест казенезде питни вещаса. Алашанзон упитанностьсна пяк цебарь.

Октябрьский Социалистический революциясь сьязень романовский цепнень и макссь сембе угнетеннай народти радостнай эряф. Социалистический странань гражданнень улихть правасна трудти, ваймамат, образованияти. Нят праватне кемекстафт Великий Сталинский Конституцияса.

Хлыстовка велеса тyani ули НСШ, коса тонафнихть 400 жизнерадостнай идть. Сьормас аф содайхненьди и сьормас кржа содайхненьди организовандаф вечерний школа. Од ломатненьди йоткса ламоц тонафнихть средний и высший школаса.

Колхозса, колхозникнень йоткса йотафневи оцю анокламань работа Верховнай Совету выборхнень йотафтомаснонды. Организованайхть кружокт, коса оцю радостью тонафнесазь Сталинский Конституциять и Верховнай Совету выборхнень колга Положениять.

Хлыстовский.

Чамзинкань район.

Цебарьста ладяф неграмотнайхнень тонафнемасна

Сейтяновка велеса цебарьста мольфтеви неграмотнайхнень тонафнемасна. Организовандаф ликбез, коса посещают 25 стирнят и лама цёрат. Посещаемостьсь цебарь. Тонафнихнень пяк оцю

мяльсна тонадомс курокона сьормас, штоба васьфтемс Верховнай Совету выборхнень грамотнайста.

Н. А. Е.

Рыбкинань р-н.

Областной ветеце конференциять итогонза и Мордовский комсомольский организациять задачанза

Сентябрь ковть 20—27 шистонза ульсь йотафтф областной комсомольский 5-це конференциясь. Конференциясь присутствовандасть сембе районной комсомольский организациятнень эзда делегатт. Делегатонь составъ эса ульсь лучшей представительхт Мордовский комсомольский организацияста: предприятиянь, колхозонь, учреждениянь, школань первичнай комсомольский организациятнень эзда делегатт.

Конференциясь йотась политический оцю уровеньца. ВЛКСМ-нь обкомъ отчетонц коряс докладчикти ульсь максф 36 кизефкст и 55 ломань корхтась пренияса.

Сембе выступающей ялгатне подтверждали, што Мордовияса комсомолечне активна участвовандайхть социалистический строительство эса. Конференциясь няфтезе, што Мордовияса комсомолечне сплоченнайхть Ленинско-Сталинский партиять перьф и беззаветна преданнайхть социалистический родинати.

Тяда башка конференциясь няфтезе, што ВЛКСМ-нь обкомса и ВЛКСМ-нь райкомтнень эса лама пинге орудовали народонь вракне: Ивановсь, Кузьминсь, Чернобровкинсь, Буяновсь и синь пособниксна-Лисенковсь, Фенинсь, Рогожинсь, Киселевсь, Левинсь и лиятне. Народонь нят вракне и буржуазнай националистне сумели нанести Мордовияса комсомольский организациятнень работаснонды оцю ущерб и особенно од ломатътнень коммунистический воспитанияснон эса.

Народонь подлай вракне йорасть оторвать Мордовияса комсомолть большевистский партиять эзда. Синь сязенъдезь комсомолть йоткса полит.образованиять, разлагали од ломатътнень, васендакига комсомольский активъ, бытовой и политический отношения, срафнезь и калафнезь комсомольский хозяйствать, сязенъдезь комсомольский организациятнень касомаснон, сембеда пяк колхозонь эзга. Тя подлай вражеский работась няфтезе, што областной 4-це конференцияста сязомок и областной 5-це конференцияти самс ульсь срафтф 71 первичнай организацият, конатнень эзда 23 колхознай комсомольский организацият.

ВЛКСМ-нь Обкомъ, ВЛКСМ-нь горкомъ и ВЛКСМ-нь райкомтнень эса критикась и самокритикась ульсь люпштаф, отсутствовал коллективной руководствась. ВЛКСМ-нь обкомъ аппаратсонза процветал аф большевистский, канцелярско-бюрократический методонь руководствать, подхалимства и стак тов. ВЛКСМ-нь обкомъ ингольденъ пингонь бюронц членонза мирендакшность сембе безобра-

зиятнень и народонь вракнень подлай работаснон мархта. Большевистский принципиальность поллафнезь сокор, „милай“, „авторитетнай“ руководителхнень доверияса.

ВЛКСМ-нь обкомъ работниконза: Оберкова, Лисенков, Киселев, Патапов, Бабицкий аф аныцек тюрость комсомолса враждебнай элементтнень каршес, но и нлыня кодамовок мерат ашесть прима вредительствать последствиянон машфтомаснонды. Тя политический беспечностьсь и благодушиясь няфтезе, што отчетно-выборнай кампаниясь Мордовский комсомольский организациятнень эса йотась низкай идейнай и политический уровеньца. ВЛКСМ-нь обкомъ аппаратсонза и лама ВЛКСМ-нь райкомтнень эзга тя пингс процветал организационнай распушенностьсь и болтовнясь. Обкому кучф 150 заявления и жалобат илядсть тя пингти самс апак разбирадак.

Областной и городской комсомольский активонь пуромкста меле, конатнень эса ульсь лифтьф лангу обкомъ сире аппаратоц политический беспечностец и ульсь выраженной обкомонь сире работникненьди недовериясьда тов руководствовандам обкомъ аппарата, обкомонь сире работникне аф аныцек признадазь эсь нолдаф ошибкаснон, но синь занясть позиция, бта синь напрасна обиженной ломатът.

Областной конференциясь обкомъ организационно-политический работанц лувозе аф удовлетворительнайкс.

Конференциясь обкомъ од составонц обязал, штоба маластонь пингть комсомольский организациятнень эса ладямс организационно-политический работать. Образцовайста организовандам комсомолечнень йоткса политический образованиеть. Комсомольский просвещения ти фатямс сембе аф союзнай од ломатътнень, направить од ломатътнень политический активностьснон сянь инкса, штоба Верховнай Совету предстоящей выборовнень йотафтомс успешнайста. Конференциясь потребовала, штоба решительнайста поллафтомс обкомъ и райкомтнень политическо-организационнай работаснон. Ладямс, штоба обкомъ и райкомтнень работасост осуществлялась внутрисоюзнай демократиясь и большевистский критикась и самокритикась.

Сембе Мордовский комсомольский организациятнень работасост тяти ащи инь боевой и ответственной задача. Ликвидировандам комсомольский организациятнень эса вредительствать последствия-

зон. Решительнайста тюремс политический беспечностьсь, ротозействать и благодушиять каршес. Кепедемс нинге сяда пяк революционной бдительностьсь. Келиста азондомс од ломатътненьди народонь вракнень работань особенностьснон. Педанес таргамс и разгромить троцкистско-бухаринский сволочнень и синь последышснон. Разгромить контрреволюционной буржуазнай националистнень и синь охвостьяснон.

Мордовияса комсомольский организациятненьди эряви коряньнек петемс политический просвещения, эряви тяникига сязомс конференциять решениянц пяшкodemанцты. Путомс идейно-политический уровеньца: полит образования пинерорганизациятнень йоткса работать, антирелигиознай работать, стахановский движения, по-большевистски анокламс Верховнай Совету выборхненьди и стак тов. Обкомъ и райкомтнень од составсонды эряви дорожить комсомольский массать доверияснон инкса и оправдандам тя довериять тева.

Сталин ялгась корхтась:

—„Руководителхне сашедыхть и тушендыхть, а народсь иляткшнни. Аныцек народсь бессмертнай. Лядыксь сембесь—преходящая. Сяс эряви маштозь дорожить народть довериянц мархта“

Сяс эряви улемс массать йоткса и во главе масс. Тонафнемс синь опытснон эзда и прислушиваться синь вайгальснонды. Тя основной задачатъ должен аф юкстамс эрь комсомольский активистсь.

Комсомольский организациятне непотерпят эсь руководящей постснон эса политический беспечнайхнень, болтуттнень и ротозейхнень, конатнень валсна расходятьсятевь эзда, конатне оторваннайхть од ломанень массатнень эзда.

Аныцек ся комсомольский активистсь од ломатътнень йоткса кармай польовандама авторитетса, конач сонъ аф кабинетна, а черновой работаса работай массать мархта, конач преданнай Ленинско-Сталинский партияти, кельгома Сталин ялгати и социалистический родинати. Тя преданностьсь должен улемс аф валхнень и клятватнень эса, а работать и деловой тева эса. Тя преданностьсь лувондови снярда, мзярда комсомольский активистсь пощадафтома тюр троцкистско-бухаринский сволочнень и синь пособникснон каршес.

Мордовский комсомольский организациясь пяшкотъкшнемок конференциять решениязон, должна сплотить сембе од ломатътнень Ленинско-Сталинский партиять перьф. Аныцек снярда минь воспитаем од ломатътнень эзда активной борейт социалистический строительство эса, конат беспредельна преданнайхть Ленинско-Сталинский партияти и макссазь сембе эсь вийснон социалистический строительство.

С. Забродин.

Карматама работама нингя сяда цебарьста

Лама пингя автогужтрестть работац ульсь калафтф. Норматне, конат ульсь максф правительствать ширьде ашесть пяшкотъкшнев. Аппаратсь автогужтрестса ульсь засореннай разложившай и аф устойчивай работникса.

Автогужтрестонь ингольденъ пингонь директорсь Ледяевсь и сонъ поллафтьец Васильевсь оперативнай работать васте систематически пьянствовандасть. Нят ломатътне разложили сембе работать автогужтрестса. 1937 кизонь васеньце кварталъ синь тийсть убытка 27552 цалковайхт. Нят расхатчикне тячиень шити самс автогужтресту должет 2000 цалковайхт. Эряви азомс, што ня расхатчикнень мархта тячимс кодамовок мерат апак примакт. Видекс, работаста валхтф.

Тяни, мзярда очищенной автогужтрестонь аппаратсь, работась автогужтрестса ладяф лиякс. Тяни годовой планъ, конач максф правительствать ширьде (80000 цалковайхт) пяшкотъф вельф 150 процентс. Кассь и стахановский методонь работась. Колесников ялгать бригадац норманц пяшкотъкшнесы ламода вельф. Кда Колесников ялгась инголи зарабатывал 150 цалковайхт, а тяни сон зарабатывает 414 цалковайхт. Производственной норманзон пяшкотъкшнесне 200 процентс. Колесников ялгась корхтай:

— Мон ня показателхнень сатыне сяс, што работань пингонь эрь минутать использовандакшнеса производственной планозень вельф пяшкodemанц инкса.

Бригадирсь Зубрилин ялгась 200 цалковайхт васте тяни получаи 350 цалковайхт. Норманц пяшкотъкшнесы 150—200 процентс.

Эряви азомс, што сире аппаратсь кодамовок мяль ашезь шарфне рабочайхнень культурно-бытовой эряфснон ланкс. Од дирекцияти эряви нингя сяда оцю мяль шарфтомс рабочайхнень культурно-бытовой эряфснон ланкс. Видекс, ули краснай уголок, но тя краснай уголоксь аф удовлетворендакшнесне рабочайхнень культурнай потребностьснон. Тячимс аш культурник.

Эряви работамс массать йоткса и тонафнемс синь опытснон эзда.

Саранск ош.

Мес аш пионервожатай?

Кие муворсь, што Мокша-Ювня велень афполнай средняй школаса срадсь пионер отрядсь? Кизефксь шарьхкотъф, што виноват ВЛКСМ-нь райкомсь и школань комсомольский организациясь.

Комсомольский организациясь ашезе лув эрявиксоньди пионеротрядть йоткса работать. Пионеротрядсь ульсь катф эсьотям молемати. Тянь сюнеда вожатай отрядти тячиень шити самс апак кемокстак.

Райкомсь, содамок, што Мокша-Ювня велеса пионер отрядсь катф каладомати, станя жа кодамовок мяль ашезь шарфне и аф шарфни тянингя.

Пионер отрядса тячимс аш вожатай и кодамовок работа аф йотафневи.

Челмакин.

Торбеевань р-н.

Мес вредительхне апак таргакт отвец

Сомовольевский МТС-са лама пингя врединасть Ф. И. Киселевсь, Я. В. Косолаповсь, А. С. Кривцуксь, конат сязенъдезь посевной и уборочнай кампаниятнень МТС-са разложили дисциплина, сязенъдезь вельхозайственной машинатненьди горажень строямать, трактористтненьди макссесть калдяв условия, синь сязесть зяблевой вспашкать, растранижировали МТС-нь средстватнень.

Эсь ялгаснонды касфнезь зарплатать, макссесть аф законнай под'емнайхть, командировочнайхть и стак тов.

Но мес бди тячиень шить самс нят вредительхне отвецс апак таргакт.

Надиятама, што тя тевти карьмодихть следственной оргаттне и таргасазь виновникнень суровай отвец.

Кавылкин район.

Ответ. редакторсь П. ЕЖОВ.

Упол. Главлита № Д—126. Тираж 3382. Заказ № 3887.

г. Саранск, тил. „Красный Октябрь“.